

# PANTUN SAYANGI NEGARA

Pergi ke hutan memetik pegaga,  
Simpan sahaja di atas para;  
Sayang-menyayang sesama keluarga,  
Barulah tercapai misi negara.

Hidup muafakat hati sekata,  
Barulah rezeki bertambah murah;  
Sikap terbuka amalan kita,  
Itulah Malaysia negara muhibah.

Berjalan ke hilir dengan si dia,  
Duduk berehat memebaca majalah;  
Saling menghormati amalam mulia,  
Rakyat pasti tidak berbalah.

Membeli barang da pasar Selasa,  
Terjumpa dengan keluarga Suraya;  
Rakyat hidup aman sentosa,  
Negara pasti akan berjaya.

# *SUMPAH ANAK MERDEKA*

Aku anak merdeka  
Bangkit dari persada luka  
Berdiri megah di pentas wira  
Inginku tebus maruah bangsa

Aku anak merdeka  
Terjaga dari ranjang kecewa  
Berpaksi gagah di panggung perkasa  
Ingin ku bela nasib bangsa

Aku anak merdeka  
Harapan nusa dan bangsa  
Akan kutentang petualang negara  
Yang tegar membuat angkara

Aku anak merdeka  
Di hati semangat waja  
Di dada penuh satria  
Ini Tuah akan membela  
Untuk kubalut luka lama

## ***Keranamu Malaysia***

Buruh, nelayan dan juga petani  
Gaya hidup kini dah berubah  
Anak-anak terasuh mindanya  
Lahir generasi bijak pandai

Pakar IT, pakar ekonomi  
Jaguh sukan dan juga jutawan  
Berkereta jenama negara  
Megah menyusur di jalan raya

Alam cyber teknologi terkini  
Kejayaan semakin hampiri  
Biar di kota ataupun desa  
Kita semua pasti merasa bangga

Keranamu kami mendakap tuah  
Keranamu kami bangsa berjaya  
Keranamu kami hidup selesa  
Limpah budi kemakmuran negara

Keranamu kami bebas merdeka  
Keranamu myawa dipertaruhkan  
Keranamu rela kami berjuang  
Demi bangsa kedaulatan negara

( ulang dari mula )

Keranamu Negara Malaysia  
Malaysia...  
Terima kasih Malaysia !

LAUNGAN Merdeka! Merdeka! Merdeka! acap kali kita dengar setiap kali tibanya tanggal 31 Ogos. Tahun ini, laungan itu menandakan, Malaysia sudah merdeka selama 53 tahun dengan tema tahun ini, *1Malaysia Menjana Transformasi*.

Seiring dengan peredaran masa sepanjang 53 tahun merdeka, banyak kemajuan telah dicapai negara namun, pengertian kemerdekaan itu sendiri semakin pudar ditelan waktu.

Pendapat itu diluahkan oleh pelakon veteran Datuk Aziz Satar yang hidup pada zaman penjajahan dan zaman moden yang serba canggih kini ketika sesi fotografi yang diadakan di Perbadanan Kemajuan Filem Nasional Malaysia (Finas) baru-baru ini.

Meskipun ketika sesi fotografi dijalankan Datuk Aziz yang mesra disapa dengan Pak Ajis tidak sihat namun semangat patriotiknya jelas kelihatan.

Katanya yang kini berusia 85 tahun, dia cukup teruja dan seronok setiap kali bercerita mengenai zaman kesengsaraan Tanah Melayu kepada sesiapa sahaja walaupun mengulangi cerita yang sama sebanyak 1,000 kali demi menyedarkan orang ramai tentang kemerdekaan.

"Saya suka bercerita tentang kemerdekaan negara kerana saya melalui zaman itu tidak seperti generasi muda sekarang.

"Jadi ia menjadi tanggungjawab saya untuk menyebarkan kesengsaraan datuk nenek mereka supaya mereka sedar dan pelihara kemerdekaan yang kita miliki hari ini," katanya yang terpaksa mencuri beras untuk terus hidup pada zaman Jepun.

Tambahnya penuh bangga, tidak berlaku sebarang pertumpahan darah ketika proses kemerdekaan, hanya menggunakan sebatang pen, pemimpin ketika itu iaitu Tunku Abdul Rahman Putra Al-Haj berjaya memperoleh kemerdekaan daripada pihak British tidak seperti negara lain.